

ხელშეკრულება N3
სახელმწიფო შესყიდვების შესახებ
(CPV 48300000)

ქ.თბილისი

22.12.2017 წ.

ერთის მხრივ, სსიპ „საჯარო რეესტრის ეროვნული სააგენტო“ (ს/კ 202238621; მიმწოდებელი, შემდგომში წოდებული, როგორც - სააგენტო) წარმოდგენილი მისი ინფორმაციული ტექნოლოგიების დეპარტამენტის მომხმარებელთა მხარდაჭერის სამსახურის უფროსის შუქია ნაროზაულის სახით, და მეორეს მხრივ, სსიპ ტექნიკური და სამშენებლო ზედამხედველობის სააგენტო (ს/კ 202466991 შემდგომში წოდებული, როგორც შემსყიდველი), წარმოდგენილი მისი უფროსის გრიგოლ კაკაურიძის სახით, შემდგომში ერთობლივად წოდებულნი როგორც მხარეები, „სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „დ“ ქვეპუნქტის შესაბამისად, გამარტივებული შესყიდვის წესით დებენ წინამდებარე ხელშეკრულებას და თანხმდებიან შემდეგზე:

მუხლი 1. ტერმინთა განმარტება

1.1 მხარეები თანხმდებიან, რომ ხელშეკრულებაში გამოყენებულ ტერმინებს აქვს შემდეგი მნიშვნელობა:

1.1.1 დოკუმენტრუნვის (საქმისწარმოების) ერთიანი ელექტრონული სისტემა (შემდგომში „პროგრამა“) - პროგრამა, რომელიც უზრუნველყოფს შემსყიდველ ორგანიზაციაში შემოსული, შესრულებული და შექმნილი დოკუმენტების ელექტრონულ მოძრაობას.

1.1.2 იდენტიფიცირებული მომხმარებლები - პროგრამაში ავტორიზებული მომხმარებლები, რომელთაც გააჩნიათ წინასწარ განსაზღვრული მომხმარებლის სახელი და პაროლი. იდენტიფიცირებულ მომხმარებლებს სისტემაში შეუძლიათ წაიკითხონ, შექმნან დოკუმენტები, გამოიყენონ პროგრამის ყველა შესაძლებლობა და ფუნქცია წინასწარ განსაზღვრული უფლებების შესაბამისად.

1.1.3 ტექნიკური მხარდაჭერა - ინფორმაციულ-ტექნოლოგიური ინციდენტების (აი ტი ინციდენტების) აღმოფხვრასთან დაკავშირებული მომსახურება.

1.1.4 ტექნიკური ხარვეზის შესწორება - შემსყიდველის მიერ საქმისწარმოების პროგრამის გამოყენებით შექმნილ დოკუმენტებში, მომსახურების მიმღების შეტყობინების საფუძველზე ტექნიკური, აშკარა არითმეტიკული, აგრეთვე გამოთვლის დროს დაშვებული შეცდომების შესწორება.

1.1.5 აი ტი ინციდენტი - მოვლენა, რომელიც იწვევს სისტემის ფუნქციონირების შეწყვეტას, ან ფუნქციონირების ხარისხის გაუარესებას.

1.1.6 სერვერი - ტექნიკური მოწყობილობა, რომელიც უზრუნველყოფს, მონაცემთა ბაზის შენახვას და დაცვას.

1.1.7 მონაცემთა ელექტრონული ბაზა - პროგრამის მეშვეობით შექმნილი ელექტრონული ინფორმაციის ერთობლიობა.


შუქია ნაროზაული



მუხლი 2. ხელშეკრულების საგანი

ხელშეკრულების საგანია სსიპ „ტექნიკური და სამშენებლო ზედამხედველობის სააგენტო“ -ს ჩართვა დოკუმენტბრუნვის (საქმისწარმოების) ერთიან ელექტრონულ სისტემაში, მისი იდენტიფიცირებული მომხმარებლების სისტემაში წვდომის და ტექნიკური მხარდაჭერის უზრუნველყოფა.

მუხლი 3. პროგრამის მიწოდების წესები

3.1 შემსყიდველის მიერ დოკუმენტბრუნვის (საქმისწარმოების) ერთიანი ელექტრონული სისტემით სარგებლობა ხორციელდება სააგენტოს მიერ გაცემული ლიცენზიების (იდენტიფიცირებული მომხმარებლების) საფუძველზე.

3.2 ლიცენზიების (იდენტიფიცირებული მომხმარებლების) რაოდენობაა 61 ერთეული.

3.3 დოკუმენტბრუნვის (საქმისწარმოების) ერთიანი ელექტრონული სისტემა უზრუნველყოფს შემდეგი ფუნქციების შესრულებას:

3.3.1 დოკუმენტების აღრიცხვა (შემოსული, შესრულებული კორესპონდენცია, ბრძანებები);

3.3.2 ახალი დოკუმენტების შექმნა/რეგისტრაცია: ნომრის და თარიღის მინიჭება, ხელმოწერა;

3.3.3 დოკუმენტების მოძრაობა რეზოლუციისა და ვიზირებისათვის წინასწარ განსაზღვრული მარშრუტით;

3.3.4 დოკუმენტების ძებნა წინასწარ განსაზღვრული პარამეტრებით (მაგ: რეგისტრაციის თარიღით, და ა.შ.);

3.3.5 დოკუმენტების კლასიფიკაცია სხვადასხვა ტიპებით: ბრძანება, შესრულებული კორესპონდენცია, მოთხოვნა, მოხსენებითი ბარათი და ა.შ;

3.3.6 დოკუმენტების ძებნა შინაარსის მიხედვით;

3.3.7 მომხმარებელთა ჯგუფებისა და როლების მართვა;

3.3.8 პროგრამაზე წვდომის უფლებების ინდივიდუალურად განსაზღვრის შესაძლებლობა;

3.3.9 ელექტრონულად ჩართული ადრესატებისგან გამოგზავნილი კორესპონდენციის აღრიცხვა;

3.3.10 პროგრამაში განთავსებული მონაცემების შენახვა და დაცვა.

მუხლი 4. მხარეთა უფლება-მოვალეობანი

4.1 მიმწოდებელი ვალდებულია:

4.1.1 ჯეროვნად შეასრულოს წინამდებარე ხელშეკრულებით და მისი დანართებით ნაკისრი ვალდებულებები;

4.1.2 პროგრამაში ტექნიკური დაზიანებების წარმოშობის შემთხვევაში, გონივრულ ვადაში აცნობოს (წერილობით, ელექტრონული ფოსტით) მომსახურების მიმღებს აღნიშნულის თაობაზე და აღმოფხვრას დაზიანება;

4.1.3 უზრუნველყოს სისტემის ეფექტური ფუნქციონირების და სისტემებს შორის თავსებადობის მიზნით ერთიანი სტანდარტების (ფორმატები, ტერმინოლოგია, ფონტები და სხვ.) შემუშავება;

4.1.4 ხელშეკრულების საგნით გათვალისწინებული ვალდებულებების შესრულებისათვის შემსყიდველი ორგანიზაციის მიერ საჭირო ინფორმაციის მოთხოვნის შემთხვევაში, მიაწოდოს მოთხოვნილი ინფორმაცია;

შუქია ნათოზაული

202238621

4.1.5 შემსყიდველი ორგანიზაციის მიერ განსაზღვრული უფლებამოსილი პირის მომართვის შემთხვევაში შეასწოროს ტექნიკური ხარვეზი შემსყიდველის იდენტიფიცირებული მომხმარებლის მიერ, პროგრამის მეშვეობით, შექმნილ დოკუმენტში.

4.1.6 განახორციელოს სერვერის (რომელზეც ინახება მონაცემთა ბაზა) ტექნიკური უზრუნველყოფა;

4.1.7 შემსყიდველი ორგანიზაციას აცნობოს დაგეგმილი ტექნიკური სამუშაოების შესახებ ერთი კვირით ადრე, გარდა იმ შემთხვევებისა, როდესაც ტარდება პროგრამის გაუმჯობესებისთვის აუცილებელი სამუშაოები (პროგრამის განახლება, პატჩები);

4.1.8 შემსყიდველის მიერ განსაზღვრულ პირებს გადასცეს სისტემასთან დაკავშირებული შემდეგი უფლებები/შესაძლებლობები:

4.1.8.1 ნებისმიერი თანამშრომლისთვის მომხმარებლის სახელისა და პაროლის შეცვლის უფლება;

4.1.8.2 ბლანკების რედაქტირების უფლება;

4.1.8.3 მკაცრად არასაჯარო წერილების დათვალიერების უფლება;

4.1.8.4 მხოლოდ საკუთარ კანცელარიაში წერილის ბარათის რედაქტირების უფლება;

4.1.8.5 ნებისმიერი შენიშვნის წაშლის უფლება;

4.1.8.6 ორგანიზაციაში წერილის ბარათის რედაქტირების უფლება;

4.1.8.7 სტატისტიკური მონაცემების დამუშავების უფლება;

4.1.8.8 ფაილების მენეჯმენტი;

4.1.8.9 ფაილების რედაქტირების უფლება;

4.1.8.10 ქვედანაყოფის წერილების დათვალიერების უფლება;

4.1.8.11 წერილების სრული ცხრილის დათვალიერების უფლება;

4.1.8.12 ხელმოწერილი დოკუმენტების წაშლის და რეგენერაციის უფლება;

4.1.8.13 კანცელარიის ოპერატორი;

4.1.8.14 კანცელარიის შაბლონების ადმინისტრირება;

4.1.8.15 კანცელარიის შაბლონების წაშლის უფლება;

4.1.8.16 რეესტრის ადმინისტრირება;

4.1.8.17 რეესტრში გატარებული წერილის ფაილის მენეჯმენტის უფლება;

4.1.8.18 წერილის გაუქმების უფლება;

4.1.8.19 ხელმოწერის მიზმის უფლება;

4.1.8.20 უფლებების ადმინისტრატორი;

4.1.8.21 კადრები, ორგანიზაციის ხის დათვალიერების უფლება;

4.1.8.22 კადრების ადმინისტრატორი;

4.1.8.23 კადრების ოპერატორი;

4.1.8.24 კადრების შაბლონების ადმინისტრირება;

4.1.9 ბლანკების ადმინისტრირების უფლება;

4.1.10 ნომრის გენერატორების ადმინისტრირების უფლება;

4.2 მიმწოდებელი უფლებამოსილია:

4.2.1 მოსთხოვოს შემსყიდველს ამ ხელშეკრულებით გათვალისწინებული საქმიანობის პროცესში წარმოქმნილი ხარვეზების დაუყოვნებლივ აღმოფხვრა;

4.2.2 მიაწოდოს შემსყიდველს ინფორმაციის ელექტრონულ-ტექნოლოგიური საშუალებით გაცვლის ხარისხის გაუმჯობესებასთან დაკავშირებული წინადადებები;

4.2.3 მოახდინოს პროგრამის მოდერნიზაცია, განახლება და შემსყიდველს მიაწოდოს პროგრამის მოხმარების განახლებული ინსტრუქცია;


შუქია ნაროზაული




- 4.2.4 ხელშეკრულების პირობების შესრულების ზედამხედველობის მიზნით და მის ფარგლებში შემოიღოს მონიტორინგის დამატებითი ფორმები;
- 4.2.5 განახორციელოს შემსყიდველისათვის პროგრამის მიწოდების მონიტორინგი;
- 4.2.6 მოსთხოვოს შემსყიდველს ხელშეკრულების პირობების შესრულების მონიტორინგისთვის აუცილებელი ინფორმაციის წარმოდგენა;
- 4.2.7 კანონმდებლობით უფლებამოსილი მესამე პირის მომართვის შემთხვევაში გასცეს სერვერზე დაცული ნებისმიერი ინფორმაცია, მხოლოდ შემსყიდველი მხარის უფლებამოსილი პირის წერილობით თანხმობის საფუძველზე და/ან კანონმდებლობით დადგენილი წესით.
- 4.2.8 შემსყიდველის წერილობითი თანხმობის საფუძველზე, შეიტანოს გარკვეული კორექტივები ხელშეკრულებით განსაზღვრულ მომსახურების საკითხებში, თუ ეს მოთხოვნა არ აუარესებს ინფორმაციის გაცვლის ხარისხს;
- 4.2.9 შემსყიდველის მიერ ხელშეკრულებით გათვალისწინებული ვალდებულებების დარღვევის და/ან შეუსრულებლობის შემთხვევაში, წერილობით აცნობოს ხელშეკრულ მხარეს აღნიშნულის შესახებ და შეაჩეროს მომსახურების გაწევა/მიწოდება დარღვევის აღმოფხვრამდე;
- 4.2.10 უარი განაცხადოს პროგრამასთან დაკავშირებით ახალი მოთხოვნების შესრულებაზე;
- 4.2.11 მოსთხოვოს შემსყიდველს ხელშეკრულების პირობების შესრულება, ასევე, საფასურის დროულად გადახდა.

4.3 შემსყიდველი ორგანიზაცია ვალდებულია:

- 4.3.1 ხელშეკრულებით გათვალისწინებულ უფლებამოსილებათა განხორციელებისას დაიცვას საქართველოს კანონმდებლობის მოთხოვნები;
- 4.3.2 ჯეროვნად შეასრულოს წინამდებარე ხელშეკრულებით და მისი დანართებით ნაკისრი ვალდებულებები;
- 4.3.3 საჭიროების შემთხვევაში უზრუნველყოს ორგანიზაციის სტრუქტურულ საშტატო ხეში ცვლილებების განხორციელება, თანამშრომლის ხელმოწერის ელექტრონულად დამუშავება და უზრუნველყოს ელექტრონულად დამუშავებული ხელმოწერის მიზმა;
- 4.3.4 უზრუნველყოს, რომ სისტემაში მის მიერ გამოყენებული პროგრამულ-ტექნიკური და საკომუნიკაციო საშუალებები აკმაყოფილებდეს ექსპლუატაციის პროცედურებს და სტანდარტიზაციის შესაბამის მოთხოვნებს;
- 4.3.5 პროგრამასთან დაკავშირებით ახალი მოთხოვნების შესახებ აცნობოს ხელშეკრულების N1 დანართში მითითებულ სააგენტოს თანამშრომლებიდან ერთ-ერთს;
- 4.3.6 ტექნიკური ხარვეზის აღმოჩენისას აცნობოს სააგენტოს ტექნიკური მხარდაჭერის ჯგუფს N1 დანართში მითითებულ საკონტაქტო ელ. ფოსტასა და ტელ. ნომრებზე.
- 4.3.7 ხელშეკრულების საგნით გათვალისწინებული ვალდებულებების შესრულებისათვის სააგენტოს მიერ საჭირო ინფორმაციის მოთხოვნის შემთხვევაში, მიაწოდოს მოთხოვნილი ინფორმაცია.
- 4.3.8 დროულად და დადგენილი წესის შესაბამისად გადაიხადოს ხელშეკრულებით განსაზღვრული მომსახურების საფასური.

4.4 შემსყიდველი ორგანიზაცია უფლებამოსილია:

- 4.4.1 მიაწოდოს სააგენტოს წინანდადებები ინფორმაციის ელექტრონულ-ტექნოლოგიური საშუალებით გაცვლის ხარისხის გაუმჯობესებასთან დაკავშირებით ;



შუქია-ნაროზაული



4.4.2 გამონაკლის შემთხვევებში, სააგენტოს წერილობითი თანხმობის საფუძველზე, შეიტანოს გარკვეული კორექტივები ხელშეკრულებით განსაზღვრული მომსახურების საკითხებში, თუ ეს მოთხოვნა არ აუარესებს ინფორმაციის გაცვლის ხარისხს, ასევე, მიმწოდებლის უფლებრივ მდგომარეობას;

4.4.3 სააგენტოს მიერ ხელშეკრულებით გათვალისწინებული ვალდებულებების დარღვევის შემთხვევაში, სააგენტოს წერილობით აცნობოს აღნიშნულის შესახებ;

მუხლი 5 . მომსახურების საფასური და გადახდის წესი

- 5.1. ხელშეკრულების სავარაუდო ღირებულებაა 12000 ლარი, დღგ-ის ჩათვლით;
- 5.2. შემსყიდველი ანგარიშსწორებას ახორციელებს ლარებში, უნაღდო ანგარიშსწორებით, შესაბამისი მიღება-ჩაბარების აქტის გაფორმების შემდეგ, ანგარიშ-ფაქტურის წარმოდგენიდან არაუგვიანეს 15 (თხუთმეტი) კალენდარული დღისა ხელშეკრულებით განსაზღვრული, სააგენტოს რეკვიზიტების მიხედვით.
- 5.3. მომსახურების საფასურის დაანგარიშება ხორციელდება N2 დანართის მიხედვით;
- 5.4. სააგენტო მომსახურების დაანგარიშების მიზნით ყოველთვიურად აღრიცხავს იდენტიფიცირებულ მომხმარებელთა რაოდენობას, მათ შორის იმ იდენტიფიცირებულ მომხმარებლებსაც, რომელნიც მთელი თვის განმავლობაში არ სარგებლობდნენ პროგრამით.
- 5.5. შემსყიდველი ვალდებულია ინფორმაციის მიღებიდან 3 (სამი) სამუშაო დღის ვადაში წერილობით დაადასტუროს იდენტიფიცირებული მომხმარებლების რაოდენობა. აღნიშნული ვადის გასვლის შემდეგ პრეტენზიის წარუდგენლობა ჩაითვლება იდენტიფიცირებულ მომხმარებელთა რაოდენობის დადასტურებად.

მუხლის 6. შესყიდვის ობიექტის მიწოდება და მიღება-ჩაბარების გაფორმების წესი

- 6.1 პროგრამა ან მისი ნაწილი ჩაითვლება მიღებულად პროგრამის ან მისი ნაწილის ფაქტობრივი მიწოდებისა და შესაბამისი მიღება-ჩაბარების აქტის გაფორმების შემდეგ;
- 6.2 სააგენტო აფორმებს მიღება-ჩაბარების აქტ(ებ)ს ერთ თვეში ერთხელ, რომლის დაანგარიშება ხორციელდება N2 დანართის შესაბამისად.
- 6.3 მიღება-ჩაბარების აქტის ხელმოწერაზე პასუხისმგებელი პირები არიან:
 - 6.3.1. სააგენტოს მხრიდან, საფინანსო-ეკონომიკური სამსახურის უფროსი ხათუნა გოგოხია.
 - 6.3.2. სსიპ ტექნიკური და სამშენებლო ზედამხედველობის სააგენტოს მხრიდან უფროსი გრიგოლ კაკაურიძე, ტელ: 2305547, 597145623 ფოსტა: pkikvadze@economy.ge
- 6.4 სააგენტოს მიერ საფასურის დარიცხვა ხორციელდება ყოველთვიურად, იდენტიფიცირებულ მომხმარებელთა რაოდენობის მიხედვით, სააგენტოს ფასწარმოქმნის სქემის შესაბამისად (დამრგვალება ხორციელდება სააგენტოს სასარგებლოდ).
- 6.5 შესყიდვის ობიექტის მიწოდების ადგილი განისაზღვრება ხელშეკრულებით განსაზღვრული, შემსყიდველი და მომწოდებელი ორგანიზაციების შესაბამისი რეკვიზიტების მიხედვით.

მუხლი 7. მხარეთა კომუნიკაციისა და ტექნიკური მხარდაჭერის პირობები

შუქია ნაროჭაული




5

- 7.1. ამ ხელშეკრულებით გათვალისწინებულ საკითხებზე მხარეთა უფლებამოსილი პირები განისაზღვრება ხელშეკრულების №1 დანართით.
- 7.2. მხარეები ერთმანეთის ინფორმირებას ახდენენ ხელშეკრულებაში მითითებული ელ. ფოსტის, სატელეფონო ან/და წერილობითი შეტყობინებების გამოყენებით.
- 7.3. სააგენტო პროგრამასთან დაკავშირებით ტექნიკურ მხარდაჭერას უზრუნველყოფს სამუშაო დღეებში (ორშაბათი - პარასკევი) 09:00 - დან 19:00 - სთ-მდე (გარდა საქართველოს კანონმდებლობით განსაზღვრული უქმე დღეებისა);
- 7.4. აი ტი ინციდენტების შესახებ შემსყიდველი ორგანიზაციის მიერ წინასწარ განსაზღვრულმა უფლებამოსილმა პირმა სააგენტოს უნდა აცნობოს წერილობით (მეილზე) ან/და ცხელ ხაზზე შეტყობინების გზით;

მუხლი 8. ხელშეკრულების მოქმედების ვადა და ცვლილებები ხელშეკრულებაში

- 8.1. წინამდებარე ხელშეკრულება ამოქმედდება 2018 წლის 1 იანვრიდან და ძალაშია 2019 წლის 31 იანვრის ჩათვლით.
- 8.2. შემსყიდველს მომსახურება მიეწოდება 2018 წლის 1 იანვრიდან 2018 წლის 31 დეკემბრის ჩათვლით.
- 8.3. წინამდებარე ხელშეკრულებაში ცვლილებების და დამატებების შეტანა დასაშვებია მხარეთა ერთობლივი წერილობითი შეთანხმებით.


მუხლი 9. ხელშეკრულების შეწყვეტა

- 9.1. ხელშეკრულების შეწყვეტა შესაძლებელია მხარეთა ორმხრივი წერილობითი შეთანხმებით ნებისმიერ დროს.
- 9.2. ერთ-ერთი ხელშეკრული მხარის მიერ ხელშეკრულების პირობების შეუსრულებლობის ან არაჯეროვნად შერულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების მოქმედების ცალმხრივად შეწყვეტაზე, რის შესახებაც წერილობით შეატყობინებს მეორე მხარეს მინიმუმ ერთი თვით ადრე.
- 9.3. სააგენტოს შეუძლია მიიღოს გადაწყვეტილება ხელშეკრულების ცალმხრივად შეწყვეტის შესახებ, თუ შემსყიდველი ორგანიზაცია ვერ უზრუნველყოფს მომსახურების საფასურის გადახდას 2 თვის განმავლობაში.

მუხლი 10. პრეტენზიის წარდგენის წესი

- 10.1. წინამდებარე ხელშეკრულებით გათვალისწინებული მომსახურების არაჯეროვნად მიღებასთან, მომსახურების საფასურის დარიცხვასთან ან ნებისმიერ ხარვეზთან დაკავშირებით შემსყიდველი ორგანიზაციის პრეტენზია უნდა წარედგინოს სააგენტოს წერილობითი განცხადების სახით შემდეგ მისამართზე (მის.: ქ. თბილისი, სანაპიროს ქ. №2) ან ელექტრონული ფოსტის (ელ.ფოსტა: info@napr.gov.ge) მეშვეობით.
- 10.2. შემსყიდველი ორგანიზაციის მიერ სააგენტოს მიმართ პრეტენზიის წარდგენის ვადა შეადგენს 10 (ათი) კალენდარულ დღეს, რომელიც აითვლება მომსახურების ხარვეზის ან არაჯეროვანი მომსახურების მიწოდების მომენტიდან. აღნიშნული ვადის ამოწურვის შემთხვევაში შემსყიდველი ორგანიზაცია კარგავს სააგენტოსათვის პრეტენზიის წარდგენის უფლებას.
- 10.3. პრეტენზიის შესახებ განცხადებაში შემსყიდველმა მკაფიოდ და სრულყოფილად უნდა ჩამოყალიბოს, თუ რა შიაჩნია სახელშეკრულებო პირობების დარღვევად ან არაჯეროვან შესრულებად.

შუქია ნაროზაული

Handwritten signature in blue ink.

ასევე, პრეტენზიის შესახებ განცხადება უნდა შეიცავდეს მოთხოვნას და მის დასაბუთებას კონკრეტულ გარემოებებზე მითითებით, რომლებსაც იგი ეფუძნება.

მუხლი 11. მხარეთა პასუხისმგებლობა და დავის გადაწყვეტის წესი

- 11.1. მხარეთა შორის სადავო საკითხები წყდება მოლაპარაკების გზით, შეთანხმების მიუღწევლობის შემთხვევაში დავას განიხილავს სასამართლო.
- 11.2. ამ ხელშეკრულებით ნაკისრი ვალდებულებების შეუსრულებლობისთვის ან არაჯეროვანი შესრულებისათვის, მხარეებს ეკისრებათ პირგასამტეხლო ხელშეკრულების ღირებულების 0.07%-ის ოდენობით.
- 11.3. ამ ხელშეკრულებით გათვალისწინებული ვალდებულებების შესრულების ვადის დარღვევისათვის მხარეებს ეკისრებათ პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.07%-ის ოდენობით.
- 11.4. პირგასამტეხლოს გადახდა მხარეებს არ ათავისუფლებს ხელშეკრულებით ნაკისრი ძირითადი ვალდებულებების შესრულებისგან.
- 11.5. ხელშეკრულების შეწყვეტა არ ათავისუფლებს მხარეს ზიანის ანაზღაურებისა და ხელშეკრულებით გათვალისწინებული მოვალეობების შესრულების ვალდებულებისაგან.

მუხლი 12. ხელშეკრულების დამატებითი პირობები


- 12.1. წინამდებარე ხელშეკრულება შედგენილია 2 (ორი) თანაბარი იურიდიული ძალის მქონე ეგზემპლარად, თითოეულ მხარეს გადაეცემა თითო ეგზემპლარი.
- 12.2. სააგენტო უფლებამოსილია შეწყვიტოს ხელშეკრულება ხელშეკრულების მეორე მხარისათვის ამგვარ შეწყვეტამდე 1 თვით ადრე წერილობითი შეტყობინების გაგზავნის გზით.
- 12.3. შემსყიდველი ორგანიზაციის მიერ პროგრამაში მუშაობისას შექმნილი ნებისმიერი მონაცემ(ებ)ი არის მომსახურების მიმღების საკუთრება. ხოლო სერვერი, რომელზეც ინახება მონაცემთა ბაზა არის სააგენტოს საკუთრება.
- 12.4. ხელშეკრულების შეწყვეტის შემთხვევაში შემსყიდველი ვალდებულია ხელშეკრულების შეწყვეტიდან 1 (ერთი) თვის ვადაში უზრუნველყოს სააგენტოს სერვერზე დაცული მონაცემთა ბაზის წაღება;
- 12.5. ამ ხელშეკრულების დანართ(ებ)ი №1 და №2, ასევე, მომავალში ხელშეკრულებით და კანონმდებლობით დადგენილი წესით განხორციელებული ცვლილებებისა და დამატებების შედეგად განსაზღვრული დანართები (ასეთის არსებობის შემთხვევაში) წარმოადგენს მის განუყოფელ ნაწილს. დაუძლეველ ძალასთან (ფორსმაჟორთან) დაკავშირებით გამოიყენება კანონმდებლობით დადგენილი წესები.

მუხლი 13. მხარეთა რეკვიზიტები

- 13.1. მომსახურების მიმწოდებელი: სსიპ - საჯარო რეესტრის ეროვნული სააგენტო - მის: ქ. თბილისი, სანაპიროს ქ. №2; ს/კოდი: 202238621, საბანკო რეკვიზიტები: სახელმწიფო ხაზინა; ბ/კ.: TRESGE22; ა/ა 707427519; ანგარიშის ნომერი - GE24NB0330100200165022
- 13.2. შემსყიდველი: სსიპ ტექნიკური და სამშენებლო ზედამხედველობის სააგენტო - მის: ქ. თბილისი, ჯიქიას 8, ს/კ 202466991, საბანკო რეკვიზიტები - სახელმწიფო ხაზინა.



შუქია ნაროზაული



დანართი N1

მხარეთა მიერ ტექნიკური მხარდაჭერისათვის საკონტაქტო პირები

სააგენტოს (მიმწოდებელი) და სსიპ ტექნ. და სამშ. ზედამხ. სააგენტოს (შემსყიდველი) მხრიდან ტექნიკურ-ინფორმაციული მხარდაჭერის მიზნით საკონტაქტო/პასუხისმგებელი პირები არიან.

სააგენტოს (მომსახურების მიმწოდებელი) მხარე		
საკონტაქტო პირის პოზიცია	სახელი, გვარი	პასუხისმგებლობა
ინფორმაციული ტექნოლოგიების დეპარტამენტის უფროსის მ/შ	შუქია ნაროზაული ელ. ფოსტა: snarozauli@napr.gov.ge ტელ: + 995 (32) 251528 შიდა: 8010 / 577 62 03 09	სრული აი ტი პასუხისმგებლობა
ბიზნესანალიტიკოსი	თამარ ჯოხარიძე ელ. ფოსტა: tjokharidze@napr.gov.ge ტელ: + 995 (32) 251528 შიდა: 8019	პროექტის მენეჯერი
კანცელარიის უფროსი	თამარ შაშიაშვილი ელ. ფოსტა: tshashiashvili@napr.gov.ge ტელ: + 995 (32) 251528 შიდა: 4098 / 577 62 22 00	სისტემის დამნერგავი ჯგუფის ხელმძღვანელი
პროგრამისტი	გივი სიფრაშვილი ელ. ფოსტა: gsiphrashvili@napr.gov.ge ტელ: + 995 (32) 251528 შიდა: 8007 / 599 20 06 52	სისტემის არქიტექტორი, პროგრამისტი
პროგრამისტი	არტემ ნახაპეტიანი ელ. ფოსტა: anakhapetian@napr.gov.ge ; / 591 41 57 89	პროგრამისტი
სსიპ ტექნ. და სამშ. ზედამხ. სააგენტო (შემსყიდველი) მხარე		
საკონტაქტო პირის პოზიცია	სახელი, გვარი	პასუხისმგებლობა
კანცელარია	მაია ხალიბაური, 577717977, mkhalibauri@economy.ge	
საჯარო რეესტრის ტექნიკური მხარდაჭერა		
Web	www.napr.gov.ge	
e-mail	support@napr.gov.ge	
Telephone	+ 995 (32) 2251527 შიდა(8888), ან + 995 (32) 2910148	
სამუშაო საათები	ორშაბათი – პარასკევი 09.00 – 19.00	



დანართი N2

მომსახურების საფასურის დაანგარიშების წესი და ლიცენზირების პირობები

* პროგრამის ლიცენზიების მინიმალური პაკეტი შეადგენს 10 მომხმარებელს;

** პროგრამის ლიცენზირება 10-დან 170 მომხმარებლამდე ხდება წინასწარ განსაზღვრული თანხით.

მომხმარებლებისრაოდენობა	ერთეულილიცენზიისფასი (ლარებში)	ჯამი (ლარებში)	შენიშვნა
0-10	-	3,000	არლიცენზირდება ერთეულითა ნამშრომელი. გადასახდელი თანხა მოჭრილიამაგ: 8 თანამშრომლის შემთხვევაში გადასახდელია 3,000 ლარი. ესწესივრცელდება 170 თანამშრომლამდე.
11-20	-	5,000	
21-40	-	8,000	
41-60	-	10,000	

პროგრამის საფასურის დაანგარიშების მეთოდი 10-დან 170-მდე მომხმარებლის შემთხვევაში



61-90	-	12,000	
91-170	-	15,000	

პროგრამის საფასურის დაანგარიშების მეთოდი 171-დან 500-მდე მომხმარებლის შემთხვევაში

მომხმარებლებისრაოდენობა	ერთეულილიცენზიისფასი (ლარებში)	ჯამი (ლარებში)	შენიშვნა
171-500	90		171-დან500-მდე ერთეული მომხმარებელი ლიცენზირდება - მომხმარებლების რაოდენობა x 90. მაგ: 460თანამშრომელის ლიცენზიაშეადგენს 41,400 ლარი

პროგრამის საფასურის დაანგარიშების მეთოდი 500-დან 1000-მდე მომხმარებლის შემთხვევაში

მომხმარებლებისრაოდენობა	ერთეულილიცენზიისფასი (ლარებში)	ჯამი (ლარებში)	შენიშვნა
501-1000	40		500-ზეზემთ ყოველი დამატებით მომხმარებლის ლიცენზიის საფასური შეადგენს40-ს. მაგ: 560მომხმარებლისფასი - $(500*90)+60*40=45,000+2,400=47,400$ ლარი

პროგრამის საფასურის დაანგარიშების მეთოდი 1000-ზე მეტი მომხმარებლის შემთხვევაში

მომხმარებლებისრაოდენობა	ერთეულილიცენზიისფასი (ლარებში)	ჯამი (ლარებში)	შენიშვნა
>1000	20		1000-ზეზემთ ყოველი დამატებით მომხმარებლის ლიცენზიის საფასური შეადგენს20-ს. მაგ: 2800 მომხმარებლისთვის ლიცენზიების ფასი დაანგარიშდება შემდეგი სქემით: $(500*90)+(500*40)+(1800*20)=101,000$

შუქია ნაროზაული